



Direktoratet for mineralforvaltning
med Bergmesteren for Svalbard

Adresseinformasjon fylles inn ved ekspedering.
Se mottakerliste nedenfor.

Dato: 06.05.2026
Vår ref: 25/03595-8
Deres ref:

POST- OG BESØKSADRESSE

Ladebekken 50
7066 Trondheim

TELEFON + 47 73 90 46 00

E-POST post@dirmin.no

WEB www.dirmin.no

GIRO 7694.05.05883

SWIFT DNBANOKK

IBAN NO5376940505883

ORG.NR. NO 974 760 282

SVALBARDKONTOR

TELEFON +47 79 02 12 92

Høyring av søknad om driftskonsesjon for Jarnes Næringspark AS i Sykkylven kommune. Tiltakshavar: Hole Anlegg AS

Direktoratet for mineralforvaltning med Bergmeisteren for Svalbard (DMF) har mottoke søknad om driftskonsesjon etter minerallova § 43. Ein driftskonsesjon fastset blant anna korleis mineralførekomsten skal takast ut, korleis uttaksområdet skal sikrast under og etter enda drift, og andre forhold som må takast hand om under drifta. Driftsplanen for uttaket er ein del av høyringsdokumenta.

For at søknaden skal bli så godt opplyst som mogleg, sender vi saka på høyring, jf. forvaltningslova § 17. Heile eller delar av høyringsfråsegna kan bli refererte i vedtaket om driftskonsesjon.

Tildeling av driftskonsesjon erstattar ikkje krav om andre løyve, godkjenning, arealavklaring eller konsesjon etter anna lovgiving. Vi presiserer at det er kommunen som bestemmer arealbruken i samsvar med plan- og bygningslova. Ved vurderinga av søknad om driftskonsesjon etter minerallova vil eventuelle utsegner knytt til arealavklaringa difor ikkje bli vektlagde.

Høyringsfrist: 10. juni 2026

Høyringsfråsegnene skal sendast til e-post: post@dirmin.no eller med ordinær post til Direktoratet for mineralforvaltning med Bergmeisteren for Svalbard, Ladebekken 50, 7066 Trondheim.

Heimelshavarar til nærliggjande eigedommar av uttaket mottar høyringsbrevet, men blir skjerma frå mottakarlista, jf. personopplysningslova og personvernforordninga (GDPR) art. 5.

Høyringsdokumenta er tilgjengeleg på [Saker til høyring | Direktoratet for Mineralforvaltning \(dirmin.no\)](#).

Samandrag av søknaden

Direktoratet for mineralforvaltning med Bergmeisteren for Svalbard (DMF) har



motteke søknad om driftskonsesjon etter minerallova § 43 frå Hole Anlegg AS med org. nr. 931 776 223, for uttak på del av gbnr. 43/151, 43/156 og 43/168 i Sykkylven kommune.

Areal det er søkt om er på ca. 64 daa og kjem fram av kart som er ein del av høyringsvedlegga. Det er anslått eit årleg uttak av byggjeråstoff på om lag 30 000 m³ og totalt uttak på om lag 300 000 m³. Området er regulert til *Industri* i plan «Industriområde Jarnes Aust» med planID 15282010007. Reguleringsplanen tredde i kraft 19. september 2018.

Kva vurderer DMF i samband med søknaden?

Føremålet med minerallova er å fremja og sikra samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling. Alle uttak av mineralske ressursar større enn totalt 10 000 m³ er konsesjonspliktige.

Konsesjonssøknaden blir avgjort etter ei skjønnsmessig vurdering der DMF, i tillegg til lovkravet om bergfagleg forsvarleg drift, også vurderer tiltakets:

- betydning for verdiskaping og næringsutvikling
- innverknad på naturgrunnlaget for samisk kultur, næringsliv og samfunnsliv
- innverknad på omgivnadene og nærliggjande område under drifta
- miljømessige konsekvensar
- kva planar som ligg føre for etterbruk eller tilbakeføring av området

Forventingar til høyringsfråsegnene

Private interessentar kan kome med innspel til relevante forhold som bør takast omsyn til i den aktuelle saka. Dersom grunneigarar av det omsøkte konsesjonsområdet har innvendingar, ber vi om tilbakemelding på dette.

Offentlege etatar blir bedne om å vurdere, ut frå eige ansvarsområde, om det finst forhold som tilseier at driftskonsesjon ikkje bør innvilgast, eller om det eventuelt bør stillast vilkår om avbøtande tiltak. Dersom det er forhold som ikkje er tilstrekkeleg belyste i søknaden, ber vi om opplysningar om dette.

I denne samanhengen viser vi særskilt til vår gjennomgang av kunnskapsgrunnlaget så langt for følgjande omsyn:

Kunnskapsgrunnlag etter naturmangfaldlova, sjå høyringsvedlegget side 13-21.

Naturmangfaldlova § 7 pålegg alle myndigheitsinstansar som fattar avgjerder med verknad for naturen, å vurdere planlagde tiltak opp mot prinsippa i naturmangfaldlova §§ 8–12.

DMF har gjort søk i Økologisk grunnkart, Naturbase kart, Artsdatabanken og Vann-Nett den 24. april 2026 og 27. april 2026. DMF har òg henta inn kunnskap frå reguleringsplanen sin planskildding, samt driftsplan. Konsekvensutgreiing ligg ikkje føre i reguleringsplanen, men det er gjennomført ei konsekvensutgreiing for området i



kommunedelplan. Vi har fått følgjande treff av betydning for vurderingane etter naturmangfaldlova:

Raudlista artar:

- Alke (sårbar) nord for uttaksområdet ved Sykkylvsfjorden, funndato 28. november 2015
- Grønncink (sårbar) eit stykke søraust for uttaksområdet, funndato 25. januar 2026
- Gråspurv (nær trua) nordaust for uttaksområdet, funndato 25. januar 2026
- Nordflaggermus (sårbar), nordaust for uttaksområdet, funndato 25. juli 1998

Svartelista artar:

- Platanlønn (svært høg risiko) vest for uttaksområdet, funndato 14. september 2023

Annet:

- Naturtype: Gammal barskog vest for uttaksområdet
- Marine naturtypar: Større tareskogfjørekomstar
- Gyteområder: Tusvika (gytefelt kysttorsk), lokalt viktig gytefelt
- Fleire nøkkelbiotoper i områda sør og sørvest for uttaksområde

Området er omfatta av maskerte kart for sensitive artsdata for rovfugl. Me gjer Statsforvaltaren særleg merksam på at DMF berre har tilgang på maskerte kart for sensitive artar.

Om naturmangfald står det følgjande i planomtala: «*Ut i fra kunnskap om topografi, vegetasjon og allerede inngrep innanfor planområdet er det ikke grunn til å anta at det vil være noen truede naturtyper eller truede arter i det aktuelle området*».

Vassfjørekomstar og drikkevasskjelder, sjå høyringsvedlegget side 22.

Vassforskrifta gir rammene for fastsetjing av miljømål som skal sikre ei mest mogleg heilskapleg vern og berekraftig bruk av vassfjørekomstane (§1).

Området det er søkt om ligg i nærleiken til ein vassfjørekomst:

097-20-R Ikornneselva og Kalddalen bekkefelt. Miljøtilstanden i vassfjørekomsten er vurdert til å vere moderat, og miljømålet er god.

I driftsplanen er det lagt til grunn at det ikkje er registrerte vassfjørekomstar like ved uttaksområdet, og at tiltaket er ikkje venta å medføra endra avrenningsforhold.

Konsekvansane av tiltaket for kulturminne

DMF har ved søk i kulturminnesøk.no ikkje funne kulturminne som kan verte påverka av uttaket.

Andre varsemdsområde, sjå høyringsvedlegget side 23-27.

- Konesjonsområde som søkt om er i sin heilhet omfatta av varsemdsområde for snøskred og steinsprang.
- Nordvest for omsøkt konsesjonsområde er det registrert varsemdsområde for jord- og flaumskred.



- Nettanlegg er lokalisert nordvest for uttaksområde, langs Fv. 5914. Områdekonsesjonær er Sykkylven Energi AS.
- Avkjørsel til området skjer frå Fv. 5914 (Sørestrandvegen). Det er også ein tilkomst via Jarnesvegen.

Vennleg helsing

Lene Johaug Karlsen
overingeniør

Kristin Sandberg Valderaune
rådgivar

Dokumentet er elektronisk signert og har derfor ikkje handskrivne signaturar.
Saksbehandlar: Kristin Sandberg Valderaune

Mottakere:
Norges vassdrags- og energidirektorat Region vest
Sykkylven kommune
Møre og Romsdal fylkeskommune
Mattilsynet
Statens vegvesen
Statnett SF
Sykkylven Energi AS
Statsforvalteren i Møre og Romsdal

Kopi til:
Private mottakere i blindkopi >20
Hole Anlegg AS